

印

竹

杖

自弁

儋耳孤縣窮島。敬事授昔。峒黎
率隄高曾。陳曆推測。雨暘毫忽。
無慝。命之曰曆。底記余載。馳載
驅突。鮮黔墨。三冬足用。瘁瘠饑
寒。季房有言。事往英雄。論國計。

愁深兒女賦。閨情簪筆橐。橐傲兀。疏怨讀。者當不顧而唾矣。要亦龍編蛋蠻曆底故實。否則飯粟飽韭。去草食肥瘠。何幾炙馳膈熊。安在論也。吉水施男。

邛竹杖

目次

除夜

化書

澀體

正月五日

春日口號

人日

銅雀臺

鸚鵡

統系

十五夜

藝勝道

論文

獅子林

釣月圖

輕詆

嶺表踪跡

惆悵詞

山居八絕

豪邁第次

窮塞主辭

輓羽侯

宣和風雅

印竹枝

目錄 卷之三

留光堂

馮瀛王

宋事

喜得劉無文湖口息耗

寒食

發潛錄

前惆悵詞

酒箴

存三奉五皇帝

筍誌銘

天市垣

衆綠分綠

食櫻桃

文徵仲

小水人

臨平藕花圖

寄張晉叔

宋蕙湘

叩竹杖

吉水施 男偉長著

新建徐世溥巨源閱

除夜

巳丑除夜，余分司榔桂，刀槲磨戛，不氣而秋。上
公僉謀遁以圖存，時有青燈午夜雞聲切，白眼。
丁年馬齒遷鞍轡，王孫流裔土車塵。公子惜長
阡之律，去唐人故鄉今夜霜鬢明朝，淒涼萬千。

正作卷
五
矣而氣色消莽自謂過之。嗟今四祀馬糞塵車。
倍昔更甚。鳴不擇音。新豐十千。何有邛嶮九折。
也。依然萬里。此勞車。秉燭愁生。百感餘。旅况難。
消婪尾酒。詩思欲寄灞橋驢。襪祥兒女年相憶。
零落關河歲又除。最是鄉心隨漏永。寒灰撥到。
五更初。壬辰除夜。

化書

化書宋張耒曰齊丘犬鼠雄耳何足論然淺機
小數微有見于黃老者明龍門景濂又謂其高
簡實竊二氏之遺然譚峭作也而非齊丘是書
具在景升超回或各附其名以不朽又烏足爲
知機祛惑者一羽千鈞乎哉余絕有青羊西去
無周史白馬東來是漢炎解道傳經分背向閉
門垂老有楞嚴得之矣癸巳元日

澀體

艱深佶曲。作俑盤詰。竹書汲冢。次之太玄。法言。
儷易與論。子雲誠非欺人語。後世如卉犬篠驂。
吟讌顛發矣。世廟中虞子匡。戲改岳武穆送張
紫陽北伐詩。郎仁寶鼓掌喟喟。易字換句者。不
汗下頰赤乎。余獨怪選郎新唐書。亦作震霆掩
聰等語。澄心伸艸。妖姬濡墨。又胡爲耶。善乎永
叔題壁諷詞也。宵寐匪禎。札闕洪休。真景文三

折肱國手景文習豪侈上元夜燒燈羅伎酣歌
達旦大宋時居政府讀周易論所親寄語學士
記得某年上元州學內喫羹飯否學士嘯曰爲
寄語相公州學內喫羹煮飯是爲甚底紛華中
饒爲澀體小宋亦誠不可多訾者初三日庚午

正月五日

先君停輜西嶠、壬辰捨攘、攢室芻靈、悉毀強暴、
郭命侯臯比靈川、躡屣過哭、自是之後、無復郵
而問道者、舟行述次、泫然填膺、饑驅茫茫、前路
奚集、小人有心、其如此間、關數千里、道梗兵紛、
一緡拱壁、何也、聊拈此少、緩僇民、須臾云爾、廣
柳芻靈未返旒、潛然爰止、拙同鳩、僇民自合投
豺虎、上國何曾貫馬牛、千磴月明雲外、輅一航

烟冷夢邊祠。從君轍後憑誰問。虞帝祠前野水。

秋。

攢側有虞帝祠

正月初五日。

春日口號

桃江虔僻邑也。漢中吉大丘尹是邦有賢聲。葭
灰飛日土牛簫鼓搏獅逐儺。傾動城闔溢浦而
上。滿目荆榛。此土差稱康壤。余戲拈口號三首。
笑逐兒童一欠申。闌門簫鼓沸吹脣。奮衫搏象
何曾見。安息于今實未賓。青旄綵仗簇貂蟬。絃
管春風度律天。蹀躞香塵隨馬至。相逢盡道使
君賢。十分春色醉雙眸。撾鼓鳴金過未休。贏得

兒童搔粉笑漢官儀在野人頭初六日

人日

人日微雨絲絲卧念徂春泚筆次國子句甲煎
微馥阿雛奉匱受觴光浮衣裾客邸經年敝車
羸馬囊無一錢持旗亭帘色望中領略而已爲
賦一律并錄前和于右衣領寒生凍未消草堂
題寄又今朝催人細雨連征鳥老我條風有敝
貂菜甲羹分羈客少梅花妝落故宮遙酒家胡
在橋門北誰數青錢慰寂寥跼跼灘江異屈潭

驚心物候又烟嵐。占年七日人爲貴。任運三春
酒。獨酣蜃氣初經潮。島夢葭灰莫洗地。天慙披
襟選勝非無侶。柳茁風前實不堪。

銅雀臺

唐人絕銅臺宮觀委灰塵。魏主園陵漳水濱。鄒道元注臺高十丈屋百餘間命諸子登之使爲賦陳思王下筆成章美捷當時石虎更增二丈連棟接檐彌覆其上盤迴隔之名曰命子窟又于屋上起五層樓高十五丈去地二十七丈作銅雀于樓巔舒翼若飛南則金雀臺高八丈屋一百九間北曰冰井臺亦高八丈屋一百四十

間上有冰室。室有數井，井深十五丈，藏冰及石。墨、石、墨可書，又然之難盡，亦謂之石炭。又有粟窖及監，以備不虞。窖上石銘猶存。左思《魏都賦》：三臺列峙而崢嶸，三臺洞開，高三十五丈。石氏作層觀，架其上，置銅鳳頭，高一丈六尺。東城上立東明觀，觀上加金博山，謂之鏘天。北城有齊午樓，超出群榭，孤高特立。其城東西七里，南北五里，飾表以磚，百步一樓。凡諸宮殿門臺隅雉。

皆加觀榭層甍。返宇飛檐。拂雲圖以丹青。色以
輕素。雄偉環麗。石牯過魏武遠矣。而廷琦咏不
及此。想以其經始于曹乎。以是知千古之筵本
加麗而蕩爲冷風寒濤者。不獨一鄴臺已也。初
十日丁丑。

鸚鵡

魯史序鸚鵡來巢。鵠鵠似鵠而善鳴。冠幘羽墨。錯趾金目。白露日。變童避其候。閉諸深甕。竟夕。屈天中。小修其舌。如是者三。妙解人語。晉司空桓豁鎮荆。有參軍善鼓琵琶。每傾聽移時。大會僚吏。學座客言亡弗肖。雖鼻難似者。納頭甕中。遂酷似。且更過之。黠鳥也。一名寒臯。一曰乾臯。刺目睛。雜人乳。研滴目次。見霄外物。余家廬兒。

畜二頭最巧慧爲賦二絕寒塘水滿日初晴夢
醒簾南第幾聲不是司空僚吏宴漫將清嘖學
逢迎剪舌徒矜話語頻爲憐巧鳥自相親愁心
如展猶回顧何況當筵歌舞人十二日巳卯

統系

軒農之系。迄宋墜矣。明祀直古今一小開闢也。
漢史傳北狄爲夏后氏之遺。歷世逮元。奄有幅
夏。獨不思奇渥温鐵木真祖功宗德。寔基蒼白
獸哉。簡狄鳥卵。姜嫄拇跡。一經東家丘剛定。商
周不諱而蒙古諱耶。是則濠右布衣。沐雨櫛風。
允爲斷鰲立極之聖人無疑矣。其間雖有刊落
同枝之文皇。而山後一十六州。誰爲廓清。雖有

誤駕土木之英宗。而八年復子明辟。誰爲適主。遊畋亡度。康陵克號曰武。駿稚弗聰。熹廟得諡。曰愆。數聖人醞釀。至十七載。憂勤惕厲之君。而統系若忽。區宇板蕩也。弇洲論曰。聖如周召。不足以顯其聖。奸如曹馬。不足以用其奸。女主宦寺。外戚彊藩。漢唐宋之陋。俱不得以逞其雄心。而肆其睥睨。尺組作使。三陴晏如。二百八十年。如一日。縱天造草昧。一時嚴密。平亂國。用重典。

立綱陳紀。喬皇萬世。烏乎至哉。十四日辛巳。

十五夜

宋裕陵元夕製賞王岐公禹玉爲最雪消華月
滿仙臺萬燭當樓寶扇開雙鳳雲中扶輦下六
鰲海上駕山來鎬京春酒沾周燕汾水秋風陋
漢才一曲昇平人共樂君王又進紫霞杯溫麗
雅則汾水鎬京尚矣鰲山鳳輦去火樹星橋譬
措大家飽蕤菽彘蛙侈妻孥如龍肉晏元獻所
謂寒乞兒生不識富貴容者然樓臺側畔楊花

過簾幙中間燕子飛。又何如宮殿風微。燕雀高朝暉。夕月氣象萬千耶。已矣乎靈難言也。子厚持正。一時遂彌耳貼服。烏足語此。十五夜。

藝勝道

世傳劉褒北風雲漢圖人因之爲寒熱吳道子
畫驢僧懼踏破屋壁求抹去北齊楊子華畫馬
竟夕蹶齧長鳴李思訓圖嘉陵江殿壁玄宗夜
聞水洶洶聲王獻之爲桓元子書扇筆誤落成
烏駝犢牛妙甚吳大武屏風曹不興誤點污因
遂作蠅權以爲真舉手彈之南唐馮延巳見宮
娥着青錦袍當門立逡巡不敢進諦視乃八尺

琉璃屏寫夷光獨立圖董源筆也神妙所至曲
藝足以絕地天奪鬼神而世之以道自居者斷
觚廢規易性毀行詩曰狐狸而蒼墨以爲明郁
離子曰金玉其外敗絮其中龍茲王絳賓遮留
烏孫公主女上書願得尚漢外孫與公主女俱
入朝得請樂漢衣服制度歸其國治宮室作徽
道周衛出入傳呼撞鐘鼓如漢家儀國人抑揄
曰驢非驢馬非馬若龍茲王所謂羸也含毫吮

墨伏地汗浹，又不若右相丹青馳譽之爲愈矣。
十八日乙酉。

耶竹杖

卷之二
十四

留髯堂

論文

明興右文海內稽古抽毫風發泉涌如浦江義
烏青田寧海風會所開亡容喙矣正嘉以來北
地新都瑯琊歷下雅存復古思精體大陳濟車
師泥舊貽羞雖悔曷追公安竟陵起而救藥儉
腹單師言尖韻冷同室操戈于睢風彫矣虞山
漳海清江諸君子輓季所以致歎于狂瀾也大
抵黃流東注佛氏比之缺陷世界天未喪斯之

人武叔毀陽貨譏江河日淪相輕相軋詬誶聳
凌何所不至蔚宗論季長奢樂恣性黨附成譏
援棐欬噓亦東門黃犬餘事三百年不立文字
門戶者臨川風雅山陰痛快差堪伯仲溫陵終
未免婦姑勃磈之誚廿一日

獅子林

獅子林。巋然一抔耳。艸髡石禿。割剝不靈。陟巖
晚眺。層闌櫛墉。參鱗萬瓦。炊烟野雲。斷續相望。
宰堵波。屹立坎隅。唐建也。主僧石穎。雅飭篤文。
燒筍啜茶。說性宗一帙。夜分忘疲。寤而成此。柳
黃初上樹。啼鴉鐘磬無聲。晚落霞半里柴門。烟
火市千山棘路。梵王家。譚空月澹。餘心寂。寐假
燈寒剩影斜。我亦窮年如法侶。與君相對印泥

印竹杖

卷之二

十六

留髡堂

沙。廿六日癸巳。

釣月圖

介澤釋人釣月圖咏者非一孤艇雙江憐皓魄
一竿千古釣秋清石穎句也余輟附歌焉澗蕭
江空潮落平晚涼風細望舒輕生綃寫就衝烟
出衲破骨寒餘水鳴縑繭曲垂千尺裏不拜浪
婆不設餌初上磨鎌繼佩玦三五玉盤塗紺雪
金蛇縞帶絳江頭欲釣無痕影自潔藥山狂嘯
舊知音竹盡還栽等尺尋君不見船子籠竿猶

爾爾。長鯨未獲。思蒼兕。射鴨還射鴨。柳塘春水
月生莢。細雨斜風。清浪兒。桐江渭水。何須法。廿
八日。

輕詆

宋楊文公億當制、執政少有竄削、輒不平、濡醞墨、戲取竄處作鞋底樣、署其旁曰、世業楊家底、人詢之曰、此語見別人腳跡、趙挺之矜其文曰、鄉中重潤筆、每誌成、太平車子、滿載相餉、魯直笑曰、想俱蘿蔔瓜、齏耳、趙啣之、排擠不遺餘力、卒有宜州之貶、文廟時、姚恭靖著道餘錄、識者非焉、張洪輿曰、少師于我特厚、今死矣、但見道

餘錄卽爲焚棄。用是相報。吳人桑民懌。孝宗朝。以事調柳州。倅不欲赴。或問之。曰。宗元小兒。擅此州名久。往則一旦掩據其上。不安。四人俳調。若出一轍。大都從散騎爲魏公。藏拙拾遺。吾在。壓公等乞靈耳。然生前身後。事甚有別。若輿與。懌。是又所謂一蟹不如一蟹也。二月朔日戊戌。

嶺表踪跡

虞仲翔放棄遐陬、自恨疎節、骨體不媚、犯上獲罪、當長沒海隅、生無可語、死以青蠅爲弔客、使天下一人知己、足以不恨、張曲江居相、建言放臣不宜與善地、宜徙五溪不毛、後自內職出始安、尋有瘴癘之歎、李文饒匡州在何處、生度鬼門關、黃魯直人鮮甕中危萬死、鬼門關外更千岑、蔡持正鸚鵡言猶在、琵琶事已非、傷心瘴江

水同渡不同歸、去國投荒日暮涯。誠有如柳
河東云、居蠻夷中久慣習炎毒、昏耗重腿、意以
爲常、獨子瞻過澄邁賦詩、九死南荒吾不恨、茲
遊奇絕冠平生、若無復下潦上霧爲心者、余家
桂林久、龔邕昭管足跡迨遍、如黃鎬、千章喬木
拂雲齊、一徑松陰路欲迷、泥滑草深行不得、滿
山風雨鷓鴣啼、解大紳、陶生巖畔草青青、唐介
墳前江水聲、兩岸好山看不盡、畫船撾鼓到全

城、杜少陵、五嶺皆炎熱、宜人獨桂林、梅花萬里
外、雪片一冬深、韓昌黎、江作青羅帶、山如碧玉
簪、戶多輪翠羽、家自種黃柑、張曲江、奇峰岌前
轉、茂樹隈中積、猿鳥聲自呼、風泉氣相激、目因
詭容遡、心與清暉滌、黃山谷、桂嶺環城如雁蕩、
平坡蒼玉忽嵯峨、李成不生郭熙死、奈此百嶂
千峰何、李師中、子規啼破城樓月、畫船晚載笙
歌發、兩岸荔枝紅、萬家烟雨中、佳人相對泣、淚

下羅衣溼從此信音稀。嶺南無雁飛陶弼石壁
深深遶縣衙。不離床衽見烟霞。民畊紫芋爲朝
食。僧煮黃精代晚茶。瀑布聲中窺案牘。女蘿陰
裏勸桑麻。欲知言偃絃歌處。水墨屏風數百家。
唐吳武陵陽朔縣廳壁記。群山發海嶠。頓伏騰
走千里而北。又發衡巫千餘里而南。咸會于陽
朔。陽朔經四百里。孤巖絕巘。森聳駢植。類三峰
九疑。析城天柱者。凡數十里。如樓通天。如闕刺

霄如修竿。如高旗。如人而怒。如馬而嚙。如陣將
合。如戰將潰。難乎其狀也。而又灘江荔水。灌織
其下。龜蛇猿雀。焯燿萬怪。縣分山間。其土黃壤。
其方十里。其勢險。其形蹙。千人守之。十萬不能
攻。宦流羈譴。情耽山川。摘辭染翰。瑰異峭削。豈
必阨窮遺佚。驚心嶺外。一切若羅刹鬼國耶。朔
六日癸卯。

惆悵詞

元伯顏駐師臯亭。謝太后年七十餘俱輦而北。詞人陳月溪賦水龍吟。比之秋娘秦娘。絞而苛矣。同時孟鯁亦有折花怨。匆匆盃酒又天涯。晴日墻東叫賣花。可惜同生不同死。却隨春色去誰家。皓首老嫠。辭樓下殿。何足責。彼狂歌半閒。拘使啟釁者。肉不堪食也。嗟乎。嗚牝渴蜺。奚代蔑有。襲榮蒙恥。易地皆然。爲拈惆悵詞十首。太

液風前蓮葉舟。新歡舊恨淚長流。羅裙揉縐無
方手。悔不同呼赤鳳遊。馬嵬山下。麗魂歸。羅襪
空傳人已非。道士還形燒夜燭。不知猶是舊楊
妃。季倫樓外草離離。十斛明珠一死宜。不及翱
風恬退早。自憐春老任花吹。琴臺昨夜竄文君。
十七年前衣再薰。忽省春阡新草綠。也慙未上
故夫墳。肅肅涼飈萬里寒。琵琶馬上向誰彈。和
戎策短輸宮髻。青塚而今淚未乾。霞紋香冷淚

絲絲。辜負韓家柳一枝。花底秦宮鸚鵡笑。悔將
鸞篋與癡兒。斤風鉞月舊歡非。燕子樓前草獨
肥。珠被香殘秋夢濶。不知身尚繫孤幃。文姬帶
淚學胡粧。孟德矜才贖漢鄉。十八拍猶戀兒女
而。今話本並王嬙歸來堂畔紫錢寒。晚景空憐
李易安。金石錄隨秋草盡。半編不載與新官。歌
罷虞兮粉黛衰。重瞳叱咤總何爲。漢高也復悲
人。豈最是風流買禍奇。初七日。

山居八絕

八絕、舊句也。厘事撫時、流涕髀肉、更七祀矣。東風榆莢、靜夜畫懷、言念宿構、不禁毫突、讀者寧無悲愉交集耶。十一夜、籀龍初褪、蕨生芽、豐滑芥臺淨、剪痂、炊斷黃雲、夫欲莫、綠蘿深處有人家。曲几方床、水墨屏、軒窗時放、野痕青、群巒數徧疑還錯。一炷香消、虎躡經、漢蠟空傳、頭白恰桃花粥、馥勝羊脚、千秋綿上、縈縈草誰似山亭。

看画鴨。地割符婁。一級蠶。松肪拾罷。佩空男心。
空不借。俄如響。百道風簧。天蔚藍。磔狗城闈。溽
伏天。詼諧難致細。君前薦瓜。聊自羞先寢。河朔
狂盃亦枉然。飯罷青精歌白蘋。丹楓如火。炤嶙
峴。瑤天尺五。玄都近。不羨秋風憶鱸。蓴衰柳亡
多風。美柔寒。催刀尺。又殘秋。山深木落。猿啼少。
月上鐘鳴。雁影悠。不才端合棄承明。草樹烟雲
護此生。蒟醬何須矜百戰。松釵正自落三更。

豪邁第次

豪邁如王武子、賭愷八百里駁、呼左右亟採取、牛心作炙、一啖而去、張節度微時、得裴尚書舫、痛鞭歌伎、了亡作色、似素畜、固有然者、馬周落魄、舍新豐逆旅、飲未竟、輒以漉足、扶馮國王負局太原、便籍登厨笥、一付李郎、而遠涉萬里、不可測之鯨波、郭令公不惜侍兒、奔千牛、而惜飛躡之磨勒、不爲朝廷用、雄宕卓犖、意氣軒翥之

數君者誠不可及企然未若東海匹夫之義不
帝秦羊裘老子之足加帝腹李供奉糟風睥睨
簪筆啜羹不識開元爲何物而何有貴妃力士
宣政間老人居九衢大雪張宴值宰相趨朝顧
子弟曰汝輩無妄意功名縱得志不免如馬上
趨朝輩忍凍矣糠粃名位浮雲帝王真所云頂
天立地漢子若韓王孫金彈丸石季倫錦步障
段文昌蓮花濯足李平泉杯羹三萬乞兒暴作

富貴容、又不如曹子桓、舜禹之事、余故已知之、
爲侈也、十三日庚戌

切竹杖

卷之二

二十六

留髡堂

窮塞主辭

世說載雲間陸士龍、日下荀鳴鶴、彌天釋道安、
四海習鑿齒、談者賞爲朗俊、余鄉周平園、洪容
齋、侍宋壽皇宴、語及肴核、因詢風土所宜、水晶
玉版、益國之論著矣、容齋沙地馬蹏鼈、雪天牛
尾狸、海邦一侍從、螺頭新婦臂、龜脚老婆身、舌
底俊利、尺咫踰顏、尤爲雋永、范六丈經略西鄙、
填漁家傲、塞下秋來風景異、衡陽雁去無留意、

四面邊聲連角起。千嶂裏。長烟落日。孤城閉。濁
酒一盃家萬里。燕然未勒歸無計。羌管悠悠霜
滿地。人不寐。將軍白髮征夫淚。古戍黃花。字字
曲盡。歐陽永叔。猶呼爲窮塞主。辭文章一道。日
月江海經地。麗天視賦體。琴心又不啻霄壤矣。
十八日。

輓羽侯

羽侯骯髒俠激，土芥金縉。國破家亡，繼之身殞。
屬纊時，余自嶺西來，素車白馬，不約而同。腸斷
喉結，別載哀冊，更輓以律。庶幾西州路，醉歸陳
王句，生存華屋處，零落歸山丘。一慟永絕而已。
傷心不在淚橫流。絃斷鍾期，永夜憂。白馬旌旒
人萬里，黃金塵土事千秋。慙余儉德難銘石，痛
爾寒顛未首丘。泣罷兼吁，妻欲盡枯。風東雨滿。

滄洲羽侯、姓郭、名定達、一名震、萬安人、廿日丁巳。

宣和風雅

宣和末、蔡攸副童貫北伐、白溝失利、京寄攸曰、
老懶身心不自由、封書寄與淚橫流、百年信誓
當深念、三伏征途合少休、目送旌旗如昨夢、心
存關塞起新愁、緇衣堂下清風滿、早早歸來醉
一甌、道君改三伏句爲六月王師、不獨屬對精
嚴、自是睿智聲口、後北狩、殂五國城、紹興間始
歸梓宮、元楊璉真伽發之、止朽木一段、張孝純

賦念奴嬌。有流落天涯。俱是客。何必平生相熟。
興亡休問。爲伊且盡船玉。謝克家憶王孫詞。依
依官柳。拂宮牆樓殿。無人春晝長。燕子歸來。依
舊。茫憶君王。月破黃昏。人斷腸。真。妻入肺肝。廿
三日。

馮瀛王

五代馮瀛王促朝而回視任贊曰新相返顧何也劉岳曰定亡持兔冊來道聞之授岳秘書監贊散騎常侍道固精黃老者宋呂文穆入相曰是子亦叅政耶文穆爲終身不記其姓名而古今賢不肖譚者率雅量文穆至道翻爲四姓十君所掩遇非其時寧爲遠志毋爲小草安石誠拙郝隆矣然忍不拭唾垢盲不觸婦私避患任

運。同歸殊途。莽嬰乎何尤。廿六日。

宋事

趙宋之興，基于黃袍。史稱其忠厚開國，綿世浸遠。萬一世宗不死，恭帝克承，三百餘祀。柴氏配天矣。侮于遼，辱于金，亡于元，得天下于小兒，亦當失天下于小兒。匡山之慟，實實殿前簡點子孫。數過時，可大地河山如麻似粟。一部廿一史，由來蛇足，真堪嘯也。余吟似爲狂悖解嘲，張安道方平致譏隆準，深仁厚澤之慶曆，不更浸淫。

滋盛耶并錄以謔。余詩：高營良嶽匪勞民。一筋
千鵝未備珍。半勺金源如竭潦。穹廬那有不歸
人。公田量盡宋孱孱。蟋蟀無聲堂半閒。不是師
臣。述將略。蜂頭立馬異完顏。張詩：縱酒疎狂不
治生。中陽有土不歸畊。偶因亂世成功業。却向
翁前與仲爭。落魄劉郎作帝歸。尊前感慨大風
時。淮陰反接英彭族。更欲多求猛士爲。廿八日。

喜得劉無文湖口息耗

三月朔日得劉無文湖口息耗書此代柬漆簡
誰猜古漏痕。玄亭過語幾黃昏。高文一簣空埋
蛻。濁酒千杯好敵髡。秋水蒹葭鴻雁夜。柴門燈
火。虎狼邨。思君獨月還宵夢。我亦由來席不溫。
人生幾量屐痕賒。底事孤筇不憶家。恨老關山
鵝血盡。愁深兒女燕泥斜。三年腸斷湘帆雨。五
夜思窮蠡浦沙。况是陰晴寒食候。酒回清夢又

琵琶。

寒食日

南方無龍火之忌、寒食日、豕雞芻豕、削鯉燔鼈、
蘊炬負擔出遊、卽麥飯蕨芽、亡不望先塋而滂
沱者。拜掃畢、踏青簪柳、選勝嬉遨、茂樹清泉、士
女紛錯、竹肉齊發、箏琶互鳴、依然永和修禊故
事、余飄泊風塵、先骸徒攢、祖墳不掃、闕者七年、
柳河東有言、皂隸傭人、皆得上父母丘墓、馬醫
夏畦之鬼、誰不受子孫追養、故國他鄉、臨高澹

黯。縈。烟。蔓。草。彌。望。妻。如。爲。賦。二。律。榆。烟。燒。盡。柳
鬢。鬢。令。節。重。逢。三。月。三。禊。飲。澄。裏。牽。浪。永。嬌。歌
入。席。曳。春。酣。棠。梨。花。畔。誰。傳。燭。鴉。鳩。聲。前。獨。擁
籃。短。髮。絲。絲。疑。夢。裏。夜。涼。難。放。酒。盃。耽。熟。食。年
年。客。邸。邊。南。來。無。地。禁。寒。烟。尋。花。爛。熳。方。春。夕。
對。酒。清。和。欲。曙。天。黃。雀。野。雲。原。上。草。赤。狐。豐。塚
壟。頭。錢。寢。園。誰。是。薦。醪。者。羞。向。松。楸。一。泫。然。

發潛錄

張同敞、江陵人、別號別山、由任子補錦衣、改中書舍人、甲申難作、袖其身所縣牙牌南奔、夫人許氏亦攜文忠公主、自荊州來、咸會江西、服先皇帝喪三年、執弟子禮事清江楊伯祥先生、行餞以詩、有荆門帆斷三湘雨、漢口船回十里風之句、閩粵事起、累官至侍讀學士、崎嶇苗獠谿洞間、雖國無常都、君臣鞍馬亦宵人柄政、正直

多誦故也。己丑夏五始假節鉞護軍出永衡決
攻失利帥滇黔師扼守全州八越月北軍下桂
林公所部鳥驚鹿竄城聞矣猶泗水而西登墀
就縛擬生之公嘯曰先相公當事鼠輩局促如
馬頭奴不可得世豈有作尚書僥倖人國崩角
稽首者乎嚼齒詬不已搥面青臂骨右折乃與
常熟稼軒瞿公錫管阿思哈哈番秘闈四十日
常熟姬侍三人咄咄未屏公飲博自如夜分放

聲大哭。哭益慟。笑。庚寅臘月十七日。殺于城北
風洞山下。絕命辭。破碎山河。休葬骨。顛連君父。
未舒眉。悲壯慷慨。具在幽囚。倡和篇。其手錄付
鄭玉筍伯典寄余。自敘斷臂後。凡三十餘日。忽
一夕完好。書罷。輒痛如故。尾列明柱。國少師兵
部尚書前詹事府詹事翰林院侍讀學士江陵
文忠公嫡孫某某。余讀竟。有誓死難忘。稱柱國
臨刑真不愧門風。蓋實錄也。辛卯八月。余與丁

金河吳鑑在、余村菴趙浚儀等營觀改托破土
視之、肌骨如生、領下漬纍纍若黝漆色、利錐刺
不入、先是七月中、呶喇何一卒死、越二日、魘語
主者曰、彼亦大有世界、余行行被邏者執赴一
殿、楣渾金字宮詹司馬、謁見時、高座人大類風
洞山下所殺某某、厲聲曰、汝陽楮未盡、來年是
月、當與彼曹同來、卒固耄營伍者、隻字從未經
目、其異如此、猶憶戊子冬、公謁余師何中湘王

于零陵退而喟然曰。老眼中託孤寄命。惟斯人
存。江陵自是益不朽矣。知人哉。中湘王名騰蛟。
貴之黎平人。官柱國。招討連七十萬衆。己丑春。
王正月念日。黑雲昏黯。大風折屋角。萬斛船不
權而沈。師潰被執。余親見之。馬上時賦有半天。
葦岸。胡沙幕。孤月蒲帆。楚水舟飽。翮風霜慙。健
鶻屈。攣驛路似明駝。詩後不屈不食七日而死。
余躡屩永州。爲一臺。員屬草。有柴市不辱。在宋。

社旣屋之後、大星西隕、正炎統未絕之時、僉以爲勲輔臣何某、比之諸葛、則弘濟猶倍于艱難、比之天祥、則從容更出以激烈、禮官采諡焉、圖章京董英、齋捧自北還、過長沙、父老垂涕云、勝國督師死、棄屍斷橋側、經月不腐、水暴漲、不逐波流、積沙隆、然起成陵矣、中挺一幹、交枝繁葉、霰雪不凋、英爲之痛哭告墓而去、余留輓歌十章、賭墅風流江左存、匈奴已縛况烏孫、功成不

解天還妬。一夜秋風五丈原。白狼採就賦饒歌。
鳴鏑風驕。介馬馱石鼓無聲。摧七萃。洞庭有淚。
弔雙娥。金狄秋高。戍鼓闌角巾笑語。畫燕然。湘
靈似愛忠魂好。故隱弓裘蘆岸邊。紛紛縞素泣。
軍身泥壘。新頽燕子斜。恨是穹廬齊稽首。侍中
早已就金枷。三生相國還燕市。百戰將軍棄虎
牢。試向湘源磐石望。離離故壘覆蓬蒿。長楊賦
就由竿牘。小艸名垂亦藥籠。五百聲齊倡薤露。

淪連淥水肯流東。大行推絕孟門堙。腸斷江南
未死身。博得官家辭輦弔。蘆吹久已遍邊人。盾
墨無成笑襪材。踉蹌冀北許登臺。曲終未得周
郎顧。白葦黃茅頃刻哀。坤維嶺表金輪豎。月暈
江天玉帳移。拍手羨門稱好去。黃腸題奏爲誰
悲。闔門風雨駕蒼螭。肉食徒酸墮淚碑。但得同
仇姑蔑在。汨羅宿艸任啼規。東寄張別山律。西
陵別業枕荒苔。芒屨東南笑亦哀。懷祖弓裘函

木主思君縞素服金臺搔頭計釋兵氛焰又手
吟餘襪絹材豺虎中原耆舊在白沙喜傷鹿門
開不五年間存歿馨穢較若列眉人誰有不死
死或重于泰山此之謂也初七日癸酉

前惆悵詞

靖康間女子爲金人所俘，拈句眼前，雖有還鄉路，馬上曾亡放我情。王晉卿詵憶後房，囀春鶯，佳人已屬沙吒利。義士曾亡古押衙，情慘氣結，一聲河滿子，悽過巴東三峽矣。余家在桂嶠，殘夢曉風鷓鴣啼，斷秋艇惆悵，有爲聽春來泥滑。滑句無乃與春鶯休，囀沁園花，同一詩讖乎。錄以誌感，剪剪風來一葉舟，晚香齊放桂林秋。一

回插帶。一回憶。知在嶙峋第幾樓。秋凋不去此
癡情。漏定澄澄積水明。好夢翻嫌羅着薄。風來
切。作斷腸聲。閒情賦罷非關想。着屐人消能幾
兩。霜後生憎眉態疎。開蛾螺黛在書幌。寒絺永
夜倍生涼。雙槩撥開明月光。怕是思窮月又炤
宵分空憶履。鞮香鴉兒朶髻抹如雲。窄窄綃襟
白練裙。手把檳榔難解醉。千山注目看斜曛。青
銅刮垢炤不得。屋角遮雲侵面黑。合底光光儲

賸粉深閨女兒惜顏色。石花廣袖疊生稜。沈水
香消到幾層。知是愁來心性懶。背人無語獨挑
燈。金錢暗卜懶刀尺。風送斜陽又一日。浪子邯
鄲俱爾爾。曉來亡計只題驛。飯裹荷葉箬裹鹽。
朝朝墟市賣生縑。誰將一幅西流去。報在匡廬
品谷簾。艇子灘頭望十八。梅花不透嶺南札。洞
庭湖畔風烟好。爲聽春來泥滑滑。初十日。

酒箴

子雲酒箴爲酒客難法度士譬之于物子猶瓶
矣觀瓶之居居井之眉處高臨深動常近危醪
不入口臧水滿懷不得左右牽于纒微一旦重
礙爲甕所輻身提黃泉骨肉爲泥自用如此不
如鴟夷鴟夷滑稽腹大如壺盡日盛酒人復借
酤嘗爲國器託于屬車出入兩宮經營公家由
是言之酒何過乎諷詞雋永孟公寧不悉此投

轄酣呼。過大喜。異竦居貧亡賓客性也。子厚賦
瓶。晁無咎謂類雄反騷。似反而寔合。子瞻跋柳
州以瓶爲智。幾信道知命。子雲所不及。究之從
酪醜水泉。問涅淄耳。瓶。鴟夷滑稽。金木陶革者。
綆絕身破。流連國亡。復于土泥。歸根反初。滑稽。
鳴夷瓶。猶也。人與鴟夷瓶滑稽。亦猶也。雄乎。遵
乎。元乎。蘇晁乎。抑終不離瓶。鴟夷滑稽而已矣。
子瞻曰。子雲本以設問見意。當復有答酒客語。

陳孟公不取。故史略之。臯陶曰。殺之三。堯曰宥之。三想當然耳。枕流籍麴。瓶鷗夷滑稽。與人俱不可少。此生前一段。詼致。十五日辛巳。

存三奉五皇帝

唐昭宗常曰朕東西所至禍難隨之願避賢者
路有戲上尊號曰招難避賢存三奉五皇帝謂
一后二昭儀朱全忠王行瑜韓建李克用李茂
貞也馬上官家畏臣若敵防奴如虎芒刺毒矢
布滿宮闈危哉而肉食橫議門戶堅牢祖宗資
格縛如溼薪嶺外蹄涔波易水鍾山不是過胡
爲耶劉無文端水謠最堪噴飯余憶其六章四

衙門裏拔黃金、六部官曹揀白丁、豈用君山稽古力、祇看赤側便垂青、愁民毒賦悲年廣、子食骸炊恨歲深、見說三空堪下淚、昨聞天子又求金、逍遙葛嶺夜飛觴、十日閒過機速房、一字城邊烽火急、宮嬪漫道北兵強、八行科開首蔡嶷、揣摩自是中機空、延和殿上揚眉日、委羽山頭斂跡時、殿前臚唱笑林攄、字義如何讀半誣、祇恐楊雄今復作、也應從衆學模糊、秦城王氣亦

何賒麗句爭傳作賦家。引袂于今風采絕。憑人
又問洛陽花。十八日。

筍誌銘

筍一名苗、名筓、名萌、名蘢、名稚龍、名龍孫、名蕩
竹、名初篁、名竹牙、名錦綳、名玉版、名籜龍、名犢
角、林下雨餘、宿醒惡阻、杯羹柱玉、齒沃脾清、雖
仙厨麟脯、上苑豹酥、不是過也、黃涪翁紫籜折
故錦、素肌劈新玉、且食勿踟躕、南風吹作竹、蘇
東坡料得清貧饑太守、渭川千畝在胸中、不如
陶學士穀爲作墓誌、尤爲簡勁、曰邊幻節、字脆

中、晉林瑯玕之裔也。以湯死。建隆年月日立石。
廿日。

天市垣

楊惲報孫會宗書。逐什一之利。賈豎之事。汗辱之行。桑弘羊籠天下百貨。委輸京師。史譏其謀大利。侵商賈。解大紳庖。西封事。市販庸夫。朝釋錙銖。莫擁冠裳。懲官邪者。曰有市心。心且不可。而況有其事乎。今不然矣。癸辛雜識載揚州分野。值天市垣。故吳越之區。都肆美好。賈舶鱗櫛。非他州比。又曰。近週甲子。屬天市垣管事上下。

相習。一道同風。寡廉鮮恥。夫固有所爲而爲之者。烏容喙。廿四日庚寅。

衆綠分綠

宋舒王云。梨花一枝春帶雨。桃花亂落如紅雨。
珠簾莫捲西山雨。皆警句也。然不若院落深沈
杏花雨爲佳。此老真韻語。陽秋廿六日。同水公
文脊飯伊蒲于東橋。劇雨壓篁。斜風穿幕。冰公
因舉此爲觥錄事。各占一字。余得綠字。卽覆之
曰。蘇端明新愁舊恨眉生綠。白香山風荷老葉
蕭條綠。王承基庭草士人隨意綠。何如韋左司

夏雨生衆綠。楊誠齋芭蕉分綠上窗紗。曲得體
物之妙。文脊柳榆曰。若此。半山復起。不易斯語
矣。因爲大噓。

食櫻桃

晦日曙起帶露嚼櫻桃數顆齒微酢少蘸以鹽
新泉活火乘沸沃之絳雪初消脾甘若飴飽食
內熱胡計爲也兩絕以酬細葉割雲露飽酣駢
珠嚼齒正酸甘苔裊不羨頰盤薦倚樹風生落
鳥含崖蜜初垂杏酪無清泉點就勝醞酥黃鶯
啄後勞中使慚愧當年寢廟徒

文徵仲

四月朔日、閱徵仲所作林寒澗、肅圖、膚粟毛、竦、不寒而慄、按徵仲名璧、以字行、待詔時、大爲揚、方城、姚明山所嗤、曰、我衙門、安用此画工、獨林、司寇見素、深契之、曰、是行爲徵仲了此一事、殊、不俗、徵仲承光殿詩、小苑平臨太液池、金鋪約、戶鎖盤螭、雲中帝座團瑤蓋、城上勾陳繞翠旂、紫氣曾迴雙鳳輦、青松猶竝萬年枝、從來青蹕

深巖地。開盡碧桃人未知。雨中放朝。霏微芳潤。
浥霓旌。歷落丹墀。散履聲。暝色浮烟。迷左掖。碧
雲將雨。過西清。柳垂青瑣。千絲重。水落銀橋。萬
玉鳴。沾灑不辭袍袖溼。天街塵淨。馬蹄輕。致仕
口拈。白髮蕭疎。老秘書。倦遊零落。病相如。三年
徒索長安米。一日聊乘下澤車。坐對西山朝氣。
爽。夢回東壁夜窗虛。玉蘭堂下。秋風早。幽竹黃
花。不負予。贈錢同愛。團坐清談。麈尾長。墨痕狼

籍練裙香水亭紈扇歌楊柳春院琵琶醉海棠。
王謝風流才子弟齊梁烟月錦篇章豪華豈是
泥沙物好在揮書白玉堂如此画工木天三百
年幾討若人

小水人

高麗女子李淑媛、載小水人事。安城彭姓者、築寺山隈、命奴守之。暮有女子、自稱小水人、徑入卧內、奴扼之、朗吟云、只見船泊岸、不見岸泊船。何無情如此、因解下體、近奴身、奴懼、異榻而寢。夜中又登奴榻、奴急舉投之、輕如一葉。奴狼倉執佛經自衛、女笑云、經從佛出、佛豈在經。汝謂我誠畏經耶、天將曙、奴起擊鐘、曰、莫打莫打、打

得人頭碎取髻上牙梳掠畢而去。奴出觀所向，忽入松林不見。壁上餘詩六首。妾住小水邊，君住青山下。青年不可再，日日坐成夜。只見船泊岸，不見岸泊船。豈能源谷裏，風雨誤芳年。薄情君拋棄，咫尺萬里遠。一夜月空明，芭蕉心不展。解下綠羅裙，無情對有情。那知妾意重，只道妾身輕。經從佛口出，佛不在經裏。郎在妾心頭，郎身隔萬里。月色炤羅衣，永夜不得寐。莫打五更

鐘打得人心碎。與長安女兒踏春陽。無處春陽
不斷腸。邪誕妖麗同一轍矣。初三日。

臨平藕花圖

唐詩僧如貫休齊已輩風雅儷則軒輊雞林無
待論宋佛印燒猪大通解頤辯才與子成二老
來往亦風流虎溪三過遠公矣南歌子莫嫌彌
勒下生遲不見老婆三五少年時叅破老禪坡
公終落箭機余尤愛參寥子風蒲獵獵弄輕柔
欲立蜻蜓不自由五月臨平山下路藕花無數
滿汀洲曹夫人因作臨平藕花圖又當賭東坡

一玉帶初四日

寄張晉叔

初五日庚子東張晉叔來禽花謝柳烟長乳燕
東風憶舊梁準字知君約句老題函笑我寄書
忙頻年鞿鞞餘杯葷是處矰羅有稻粱爲問青
蓮山下叟可堪豐草對寒塘

宋蕙湘

衛輝驛題壁四絕。風動江空。羯鼓催降旗。飄颺
鳳城開。將軍不戰。君王繫薄命。紅顏馬上來。廣
陌紅塵暗。鬢鴉朔風吹。面落鉛華。可憐夜月筵
篋引。幾度穹廬伴。莫笳春花如醉綺。如烟良夜
知心。画閣眠。此際相思。渾似夢。算來可恨。是蒼
天。盈盈十五破瓜時。已作明妃別故帷。誰散千
金。齊孟德。鑲黃旗下。贖文姬。秦淮女子宋蕙湘。

筆也。纏綿淒婉，屬而和者不一。感爲歌之北固
城邊曉角徹。秣陵十萬身旗折。故宮沙暗昏亡
主。舉世刁牙誰仲父。髻窄筋駑心酸怯。彫弓虎
韞光炤曆。渾河古渡馬耳淹。睽交羞對驛樓月。
伸腕疾書任洪纖。莽漢疇解畫如鐵。荒荒曆數
古何憑。隻字留天文未滅。慧黠由來歸女俠。此
身肯向秦淮沒。衛輝舊是朝歌邑。頽壁題痕非
竹非肉悲且泣。隴西不返翁侯死。塚上青青草

原缺